

玉海



040
1000:19
34829

玉海卷第四十三

浚儀王應麟伯厚甫

藝文

讎正五經 石經

荀悅申鑒仲尼作經本一而已古今文不同而皆
自謂真本經古今先師義一而已異家別說不同
皆自謂真古今秦之滅學也書藏於屋壁義絕於
朝野漢興收撫散滯固已無全學矣文有磨滅言
有楚夏出有先後或學者先意有所借定後進相
放彌以滋蔓故一原十流

漢校中五經秘書

成紀河平二年光祿大夫劉向校中秘書

師古曰言中以別外

劉向傳領校中五經秘書

志注臣向與長社尉參校中秘書向校書天祿閣感青藜之異

志向以中古文易校施孟梁丘經或脫去無咎悔

亡唯費氏與古文同書以中古文校三家經文酒

誥脫簡一名誥脫簡二文字異七百餘脫字數十

向校書得樂記二十三篇與王禹不同向云古考

經庶人章分爲二曾子敢問章爲三又多一章

儒林傳劉向校書考易說以爲諸家皆祖田何楊

丁大誼畧同唯京氏爲異張霸以能爲百兩徵以

中書校之非是乃黜其書 論語序向言魯二十

篇齊二十二篇古二十一篇篇次不與齊魯論同

劉歆河平中受詔與父向領校秘書向死哀帝初復

領五經卒父前業乃集六藝群書種別爲七畧隋志

子歆乃徙溫室中書於天祿閣上尹咸與歆共校經

遂總括群篇撮其指要著爲七畧

傳歆曰古文逸禮書春秋左氏皆古文舊書多者二

十餘通臧祕府成帝陳發祕臧校理舊文得此三事

考學官所傳經或脫簡傳或間編又移書楊雄曰三代之書蘊藏於家

直不計耳叙傳班斡與劉向校祕書受詔進讀群書賜

以祕書之副 後漢蘇竟與劉龔歆兄書昔以摩研

康熙三十六年刊 聖母卷四 二 四百四十

編削之才與國師公

歆

校定秘書

張衡曰劉向父

子領校祕書閱定九流亦無讖錄

北史向受詔校

書每一書竟表上輒言臣向書長水校尉臣參書太

常博士書中外書合若干本以相比校然後殺青

隋志漢初河間獻王又得仲尼弟子及後學者所記

二百三十一篇獻之時亦無傳之者至劉向考校經籍

檢得一百三十篇因第而叙之

左氏云云

劉歆典校

經籍考而正之欲立於學孝經至劉向典校經籍以

顏本比古文除其繁惑以十八章爲定

戰國策書

錄云中書餘卷錯亂相糅

云云

本字多誤脫爲半字

以趙爲肖以齊爲立皆定以殺青書可繕寫 荀卿
書所校讎中書凡三百三十二篇定著三十二篇以
殺青書 列子所校中書五篇謹與長社尉臣參校
讎太常書三篇太史書四篇臣向書六篇臣參書二
篇內外書凡二十篇定著八篇或字誤以盡爲進以
賢爲形及在新書有棧校讎從中書已定以殺青書
永始二年八月壬寅上

管子新書目錄云臣參書

四十一篇 儀禮疏劉向別錄大射以上七篇與小
戴同其下乃以聘食覲禮至有司爲次皆尊卑吉凶
次第倫叙 後吳祐傳父恢欲殺青簡寫經書注亦

謂汗簡義見劉向別錄

風俗通劉向典校書籍皆

先書竹爲易刊定可繕寫者以上素也今東觀書竹

素

見文選注

唐司馬貞曰按劉向七畧有子夏易

傳

說文祕書說日月爲易

揚雄傳校書天祿閣

孔叢子孔子元以郎校書

校祕書郎楊閔

漢曲臺校書

儒林傳后倉說禮數萬言號曰后氏曲臺記注服虔

曰在曲臺校書著記因以爲名師古曰曲臺殿在未

央宮

漢校定中書五經 正五經文字

列傳伏無忌順帝時爲侍中屯騎校尉永和元年詔

無忌與議郎黃景校定中書五經諸子百家藝術元嘉

中成

中書內中之書

盧植熹平間時始立太學石經以正

五經文字植上書云云

見禮類

拜議郎與諫議大夫馬

日磾議郎蔡邕楊彪韓說等並在東觀校中書五經

記傳補續漢記

言中書以別於外也

帝以非急務轉爲侍中

劉珍

文苑

永初中

安帝紀永初四年二月乙亥

爲謁者僕射鄧太

后詔使與校書劉騶駱馬融及五經博士校定東觀

五經諸子傳記百家藝術整齊脫誤是正文字 蔡

倫宦者元初四年帝以經傳之文多不正定乃選通

儒謁者劉珍及博士良史詣東觀各讎校漢家法令

倫監典其事崔寔與諸儒博士雜定五經

樊鯈永平元年爲長水校尉以識記正五經異說

班固永平中爲郎典校秘書馬融詣東觀典校祕

書張馴儒林拜議郎與蔡邕共奏定六經文字擢

侍中典領祕書傳毅文苑建初中拜郎中與班固

賈逵共典校書

漢石經

蔡邕傳建寧中校書東觀遷議郎邕以經籍去聖久

遠文字多謬俗儒穿鑿疑誤後學熹平四年與五官
中郎將堂谿典光祿大夫楊賜諫議大夫馬日磾議
郎張子雋駟韓說太史令單颺等奏求正定六經文
字許之邕乃自書丹於碑使工鐫刻石立於太學門
外後儒旣學咸取正焉碑始立觀視摹寫者車乘日
千餘兩填塞街陌注洛陽記曰太學在洛陽南開陽
門外講堂長十丈廣三丈堂前石經四部本碑凡四
十六枚西行尚書周易公羊傳十六碑存十二碑毀
南行禮記十五碑悉壞東行論語三碑二碑毀禮記
碑上有諫議大夫馬日磾議郎蔡邕名 儒林傳叙

熹平四年詔諸儒正定五經刊於石碑爲古文篆隸
三體書法以相參檢植之學門使天下取則注謝承
書碑立太學門外瓦屋覆之四面欄障開門於南河
南郡設吏卒視之洛陽記云碑高一丈許廣四尺駢
羅相接 靈紀熹平四年春三月詔諸儒正五經文

字刻石立于太學門外

盧植傳上書願合尚書章句考禮記失得刊正碑文

宦者傳李循巡以爲諸博士試甲乙科爭第高下更
相告言至有行賂定蘭臺奏書經字以合私文者乃
白帝與諸儒共刻五經文於石詔蔡邕正其文字五
經一定爭者用息 隋志鐫刻七經著於石碑皆蔡

邕所書三字石經尚書九卷

梁有十三卷

十又五卷春秋三

卷

梁有十三卷

唐志小學類三字石經尚書古篆二卷

左傳古篆書十二卷

又蔡邕今字石經論語二卷

金

石錄石經遺字爲三卷云蔡邕所書乃八分而三體石經乃魏時所建也遺字有尚書公羊傳論語又有詩儀禮則所立不止六經矣論語公羊後有堂谿典馬日磾等姓名世所傳經書校此不同者數百言篇第亦時有小異

水經注漢光和六年刻石鏤碑載五經立於太學講堂前悉在東側北史江式曰蔡邕採李斯曹喜之法

爲古今雜形詔於太學立石碑刊載五經題書楷法
多是邕書後開鴻都諸方獻篆無出邕者 魏陳留
邯鄲淳特善倉雅許氏字指入體六書精究閑理以
書教諸皇子又建三字石經於漢碑西其文蔚煥三
體復宣校之說文篆隸大同而古字少異 左傳正
義石經古文虞作𠂔魯作𠂔

魏石經 晉石經

隋志魏正始中立一字石經相承以爲七經正字後

東魏末

武定四年八月

自洛陽徙于鄴都至河陽没于水得

至鄴者不盈大半

高澄遷洛陽漢魏石經五十二碑于鄴齊皇建元年八月列學館後

周大象元隋開皇六年又自鄴京載入長安置于祕

年徙洛陽書內省議欲補緝立于國學隋亂事寢營造之司用

為柱礎貞觀初祕書監魏徵始收聚之十不存一其

相承傳拓之本猶在祕府合五十一卷有并秦帝會

刻石一卷以備小學一字石經周易一卷梁有尚書六

卷梁有今字石經魯詩六卷梁有毛儀禮九卷春秋

一卷公羊傳九卷論語一卷梁有典論一卷魏志注

先帝典論刊石于廟堂之外及太學與石經並以永

示來世魏都賦菲言厚行陶化染學讐校篆籀篇

章畢晉傳衛恒曰正始中立三字石經江式云魏

經于漢碑西唐裴頠轉祭酒奏脩國學刻石寫經唐

典注傳暢晉諸公讚裴頠爲國子祭酒奏
立國子太學起講堂築門闕刻石寫五經

荀崧上

疏曰太學有石經古文

後魏書孝文太和十七年

九月壬申幸太學觀石經神龜元年五月祭酒崔光
請命博士季郁等補漢所立三字石經之殘缺 劉
芳傳漢世造三字石經於太學學者文字不正多往
質焉芳音義明辨時號劉石經 隋劉焯傳運洛陽
石經至京師文字磨滅莫能知者敷與劉炫等考定
唐志小學類今字石經易篆三卷書五卷鄭元書
八卷毛詩三卷儀禮四卷左傳經十卷公羊傳九卷
蔡邕今字論語三卷三字石經尚書古篆三卷左傳

古篆十二卷合五十九卷

開元著錄

隋祕書省攷定羣言

傳劉焯與諸儒於祕書省攷定羣言

蕭該開皇初

奉詔與何妥正定經史

肅孝寬後周明帝初參麟

趾殿學士考校圖籍

北齊郎茂於祕書省刊定載籍

唐祕書省攷定五經

儒學傳序太宗讐正五經謬缺頒天下示學者顏師

古傳太宗拜中書侍郎帝嘗歎五經去聖遠傳習寢

訛詔師古於祕書省考定多所釐正

政要正觀四年

旣成悉

詔諸儒議

政要云詔左僕射房玄齡集諸儒詳議

人執所習共非詰師

古輒引晉宋舊文隨方曉荅誼據該明出其悟表人

人歎服帝因盼所定書於天下

舊紀正觀七年十一月丁丑頒新定五經

學者賴之拜秘書少監專刊正事古篇奇字世所惑

者討析申熟必暢本源 會要正元二年七月秘書

監劉太真請擇儒者詳校九經於秘書省從之尋寢

不行 紀景龍二年六月庚子詔括天下圖籍

唐刊正四部羣書

會要乾封元年十月十四日上以四部羣書傳寫訛

謬乃詔東臺侍郎趙仁本蘭臺侍郎李懷儼東臺舍